

**BOSNA I HERCEGOVINA
FEDERACIJA BOSNE I HERCEGOVINE
ŽUPANIJA POSAVSKA
OPĆINA ODŽAK**

**IZVJEŠTAJ O PROVOĐENJU PLANA
INTEGRITETA
OPĆINE ODŽAK ZA 2024.GODINU**

Mart/ožujak 2025.godine

1. Uvod

Integritet predstavlja cjelinu, usaglašenost, jedinstvo, nedjeljivost, postojanost i iskrenost, odnosno način rada institucije, kao i način ponašanja zaposlenih u instituciji kojim se održava pošteno, usklađeno, svjesno, nepristrano, transparentno i kvalitetno obavljanje poslova.

Plan integriteta je interni antikorupcijski dokument koji sadrži skup mjera pravne i praktične prirode kojim se sprječavaju i otklanjaju mogućnosti za različite oblike nepravilnosti u radu, kao i koruptivnog ponašanja.

Na osnovu člana 10. tačka (r) Zakona o Agenciji za prevenciju korupcije i koordinaciju borbe protiv korupcije („Službeni glasnik BiH“, broj: 58/13 i 103/09), Agenciji za prevenciju korupcije i koordinaciju borbe protiv korupcije (APIK) je stavljeno u mandat propisivanje jedinstvene metodologije i smjernica za izradu planova integriteta i pružanje pomoći javnom sektoru, uključujući i JLS. APIK je, u skladu sa navedenim obavezama, usvojio Pravila za izradu i provođenje Plana integriteta u institucijama na svim nivoima u BiH (april 2018.godine), kojima je utvrđena obaveza svih javnih institucija u BiH da izrade i usvoje Planove integriteta.

Na ovaj način, sistemski su uređeni procedure izrade i usvajanja Planova integriteta, kao i provođenje mjera i preporuka za poboljšanje integriteta unutar institucija u BiH, te način izvještavanja prema APIK-u, kao koordinirajućem i kontrolnom tijelu u ovoj oblasti.

2. Izvještaj o stanju integriteta općine Odžak

Odlukom općinske načelnice broj: 01-02-2888/22 od 05.10.2022.godine imenovana je radna grupa, odnosno koordinator i članovi radne grupe za izradu plana integriteta, te je sačinjena obavijest uposlenicima o poduzimanju aktivnosti usmjerenih na izradu plana integriteta općine Odžak broj : 01-02-2889/22 od 05.10.2022.godine, kojom su uposlenici Općine obavješteni o pitanju pružanja neophodnih informacija i pomoći pri izradi navedenog dokumenta.

Plan integriteta općine Odžak za razdoblje 2023.-2027.godine usvojen je 30.03.2023.godine, broj: 01-02-1152/23. Za osobu zaduženu za nadzor nad provođenjem plana integriteta istom odlukom imenovana je Katarina Jelušić, stručni suradnik za planiranje i upravljanje razvojem u Službi za gospodarstvo i LER.

Odlukom Općinskog načelnika o imenovanju nadzora nad provođenjem plana integriteta u općini Odžak broj: 01-02-366/25 od 27.02.2025.godine, imenovana je Melina Mehić, stručni suradnik za zaštitu okoliša u Službi za gospodarstvo i LER, a razriješena je obaveza Katarina Jelušić.

Sukladno Pravilima za izradu i provođenje Plana integriteta, svi uposleni u općini Odžak dužni su obavijestiti osobu zaduženu za nadzor nad provođenjem plana integriteta o situaciji, pojavi ili radnji koje na osnovu razumnog uvjerenja mogu dovesti do narušavanja integriteta institucije.

Uposleni u općini Odžak dužni su da, na zahtjev osobe zadužene za nadzor nad provođenjem plana integriteta, dostave potrebne podatke i informacije od značaja za provođenje plana integriteta, a koje nisu u suprotnosti sa važećim propisima.

Općina Odžak u svom svakodnevnom radu primjenjuje sve važeće zakonske i podzakonske akte, te redovno radi na izmjenama i dopunama vlastitih propisa u cilju transparentnog i kvalitetnog rada.

Planom integriteta općine Odžak za razdoblje 2023.- 2027.godine identificirano je, analizirano i rangirano ukupno deset (10) rizika, te su u cilju efikasnijeg upravljanja rizicima definisane mjere za unaprjeđenje integriteta ove institucije.

Važeći Plan integriteta Općine Odžak, kao i izvještaji o njegovoj realizaciji, dostupni su javnosti i objavljeni na zvaničnoj Internet stranici Općine.

3. Mjere i preporuke za unaprjeđenje integriteta općine Odžak

Mjere i preporuke za unaprjeđenje integriteta definirane su prema svakom identificiranom riziku i njihova namjera je ukloniti ili minimalizirati svaki pojedini rizik za narušavanje integriteta.

U cilju prikaza planiranih i realiziranih/nerealiziranih mjera za smanjenje rizika od korupcije i drugih oblika narušavanja integriteta, a koje su definisane planom integriteta institucije, u nastavku se nalazi tabelarni prikaz, koji između ostalog sadrži podatke o tome da li je mjera provedena ili nije, prioritet mjere, kao i izvršioce mjere i rok za provođenje aktivnosti.

Nadalje je prikazana realizacija mjera i preporuka na unaprjeđenju provođenju integriteta u općini Odžak za 2024. godinu i aktivnosti kako slijedi:

Tablica 1. Mjere za unaprjeđenje integriteta općine Odžak i njihov stupanj realizacije

B r.	Rizik	Mjera za upravljanje rizikom, odnosno za unaprjeđenje integriteta institucije	Prioritet mjere	Izvršilac mjere i rok za provođenje aktivnosti	Stupanj realizacije
1.	Nenamjensko trošenje sredstava grantova dodijeljenih neprofitnim organizacijama	Donošenje Odluke o dodjeli sredstava neprofitnim organizacijama putem javnog poziva, Donošenje Pravilnika o kriterijima za dodjelu sredstava, Donošenje smjernica/procedure o kontroli namjenskog utroška sredstava, Edukacija i jačanje integriteta državih službenika/namještenika koji se imenuju u komisije za izbor prijedloga za dodjelu grant sredstava	Umjereni prioritet	Općinski načelnik (ica) Služba za komunikacije Služba za nabavku i zaštitu sredstava i resursa	Realizirano
2.	Mogućnost korupcije prilikom dodjele grant sredstava neprofitnim organizacijama bez javnog poziva	Donošenje Odluke o dodjeli sredstava neprofitnim organizacijama putem javnog poziva, donošenje Pravilnika o kriterijima za dodjelu sredstava, donošenje smjernica/procedure o kontroli namjenskog utroška sredstava, edukacija i jačanje integriteta državih službenika/namještenika koji se imenuju u komisije za izbor prijedloga za dodjelu grant sredstava	Umjereni prioritet	Općinski načelnik (ica) Služba za komunikacije Služba za nabavku i zaštitu sredstava i resursa	Realizirano
3.	Mogućnost korupcije	Poštivanje odredbi Zakona o proračunima u F BiH, Poštivanje procedure donošenja proračuna/	Umjereni prioritet	Općinski načelnik (ica) Načelnici službi	Djelimično realizirano

	nepoštivanjem procedure donošenja proračuna	proračunski kalendar, Blagovremena izrada nacrti i prijedloga proračuna, Edukacija uposlenika i općinskih vijećnika		Općinsko vijeće Rok: Kontinuirano	
4.	Nezakonito primanje i davanje darova	Donošenje Pravilnika o primanju i davanju darova, Edukacija uposlenika	Nizak prioritet	Općinski načelnik (ica) Načelnici službi Radna grupa	Realizirano Član 12. Etičkog kodeksa za državne službenike i namještenike općine Odžak; <i>postupanje sa darom</i>)
5.	Neprijavljivanje stvarnih i potencijalnih sukoba interesa	Donošenje pravilnika o sukobu interesa, Donošenje etičkog kodeksa, Uspostavljanje evidencije rješenja o izuzeću	Umjeren prioritet	Općinski načelnik (ica) Tajnik općine Radna grupa Rok: 31.12.2025.	Djelimično realizirano Donošenje pravilnika o sukobu interesa još je u fazi izrade, Etički kodeks je donesen 30.10.2023.godine, br.: 01-02-2836/23 *Donesen Pravilnik o načinu podnošenja i rješavanja pritužbi građana 29.08.2024.godine *Donesen Pravilnik o postupanju po zahtjevu za pristup informacijama u općini Odžak
6.	Neizvršavanje i kašnjenje u izvršavanju zakonskih nadležnosti usljed ne preciziranosti poslova i zadataka službi i radnih mjesta postojećim pravilnikom	Donošenje novog Pravilnika o unutrašnjoj organizaciji i sistematizaciji radnih mjesta, Raspoređivanje i popunjavanje radnih mjesta	Visoki prioritet	Općinski načelnik -ica Tajnik općine Radna grupa Rok: 31.12.2025.	Djelimično realizirano Pravilnik o unutrašnjoj organizaciji i sistematizaciji radnih mjesta je u fazi izrade, a raspoređivanje i popunjavanje radnih mjesta se vrši u skladu sa postojećim Pravilnikom.
7.	Prilikom novih upošljavanja mogućnost prijema nekompetentnih	Poštivanje i primjena propisa, Jačanje integriteta uposlenika koji su imenovani u povjerenstva za provođenje konkursnih procedura	Umjereni prioritet	Općinski načelnik (ica) Tajnik općine Načelnici službi Rok: kontinuirano	Realizirano

	službenika/najmještenuka				
8.	Mogućnost korupcije prilikom kontakta sa dobavljačima	Dosljedna primjena Zakona o javnim nabavama BiH, Donošenje Pravilnika o internim kontrolama, Kontinuirane obuke u oblasti javnih nabava	Umjereni prioritet	Općinski načelnik (ica) Načelnici službi Službenik za JN Rok: kontinuirano	Djelimično realizirano
9.	Nekompetentnost pojedinih članova povjerenstva za javne nabave	Dosljedna primjena Zakona o javnim nabavama BiH, Redovite obuke službenika za javne nabave i članova Povjerenstva za javne nabave, Izbjegavati isti sastav povjerenstva za JN	Umjereni prioritet	Općinski načelnik (ica) Načelnici službi Službenik za JN Rok: kontinuirano	Realizirano
10.	Mogućnost korupcije prilikom kontakta sa strankama	Dosljedna primjena zakona i podzakonskih akata vezanih za uredsko poslovanje, Donošenje i dosljedna primjena akata usmjerenih na prevenciju korupcije i borbu protiv korupcije Edukacija uposlenih na teme iz ove oblasti	Umjereni prioritet	Općinski načelnik (ica) Tajnik općine Načelnici službi Rok: kontinuirano	Realizirano

4. Zaključak


Cilj provedbe plana integriteta je prevenirati i upozoriti na korupciju jačanjem svijesti o ranjivosti na koruptivne pojave. Provedba plana jača efikasnost, kvalitet, poštovanje i povjerenje u institucije. Općina Odžak je za 2024.godinu imala 10 rizika sa definisanim mjerama, od kojih je realizirano 6 (60%), a 4 (40%) je u toku realizacije i aktivnosti za njihovu realizaciju su već pokrenute.

U odnosu na prethodni izvještaj za 2023.godinu Općina Odžak je usvojila dva Pravilnika – Pravilnik o postupanju po zahtjevu za pristup informacijama u općini Odžak i Pravilnik o načinu podnošenja i rješavanju pritužbi građana, dok je Pravilnik o unutrašnjoj organizaciji i sistematizaciji radnih mjesta još uvijek u fazi izrade. Definirani rizik nezakonito primanje i davanje darova riješeno je usvajanjem Etičkog kodeksa, čiji član 12. sadrži odredbe i opis postupanja državnih službenika i namještenika općine Odžak sa darom.

Zadržati najveći standard integriteta pri obavljanju službeničke dužnosti u interesu je javnosti i ključno u izgradnji povjerenja. Povjerenje između zaposlenih u općini Odžak i građana ključ je efektivne borbe protiv korupcije.

Analizom realiziranih mjera i preporuka za unaprjeđenje integriteta u općini Odžak od strane pojedinaca i Službi vidljivo je da je veliki broj mjera i preporuka realizirano, a što nije, za isti postoji realno obrazloženje i biti će u najkraćem vremenu realizirano u narednom periodu. Ovim su općina Odžak i njeni zaposleni pokazali punu opredjeljenost za unaprjeđenje integriteta u općini Odžak, a samim tim i spremnost u borbi protiv korupcije.

Osoba zadužena za nadzor nad praćenjem
provođenja plana integriteta



Melina Mehić, mag.prim.bio.